

პერსონალურ მონაცემთა დამუშავებისა და კონფიდენციალურობის დაცვის პოლიტიკა

1. დოკუმენტის მიზანი

- 1.1. წინამდებარე დოკუმენტი (შემდგომში - „პოლიტიკა“) განსაზღვრავს შპს „ფორსაით ეფ იქსის“ (შემდგომში - „ვალუტის გადამცვლელი პუნქტი“, „კომპანია“) მიერ პერსონალურ მონაცემებზე არასანქცირებული წვდომისგან დაცვის მექანიზმებს, რომლითაც კომპანია უზრუნველყოფს კლიენტების პერსონალური მონაცემების უსაფრთხოებას. პოლიტიკა მოიცავს ინფორმაციას, რომელსაც კომპანია აგროვებს კლიენტისგან, მომსახურების გაწევის პროცესში და რომელიც, საქართველოს კანონმდებლობის შესაბამისად, ასევე გამოიყენება შემდგომში კომპანიის მარკეტინგული მიზნებისთვის.
- 1.2. პოლიტიკა განსაზღვრავს, თუ რა საფუძვლითა და მიზნით მოიპოვება და მუშავდება კლიენტების პერსონალური მონაცემები და როგორ ხდება მათი დაცვა სამართლებრივი და ტექნიკური ასპექტების გათვალისწინებით.
- 1.3. პოლიტიკა ვრცელდება იმ პირებზე (როგორც კომპანიის კლიენტებზე, ასევე არაკლიენტებზე), რომლებიც აწვდიან პერსონალურ ინფორმაციას კომპანიას ან იყენებენ კომპანიის ვებ-გვერდს, მათ შორის, ვებ-გვერდზე არსებულ სავაჭრო პლატფორმებს, მობილურ აპლიკაციას ან სოციალური ქსელებით საკომუნიკაციო საშუალებებს.
- 1.4. შპს „ფორსაით ეფ იქსის“ ვებ-გვერდზე ან/და აპლიკაციაში რეგისტრაციითა ან/და ჩვენი პროდუქტებისა და სერვისების გამოყენებით (მათ შორის, რეგისტრაციის გარეშე), კლიენტი ეთანხმება მის შესახებ პერსონალურ მონაცემთა შეგროვებასა და გამოყენებას ამ კონფიდენციალურობის პოლიტიკის შესაბამისად. გთხოვთ, ყურადღებით გაეცნოთ აღნიშნულ პოლიტიკას.

2. ტერმინთა განმარტებები

- 2.1. **ვალუტის გადამცვლელი პუნქტი** - საქართველოს ეროვნული ბანკის (შემდგომში - „სებ“) მიერ რეგისტრირებული ვალუტის გადამცვლელი პუნქტი „ფორსაით ეფ იქსი“ (ს/ნ: 404789644, რეგისტრაციის № 0135460, თარიღი: 14/11/2025, განკარგულება N217, განკარგულების ცვლილების თარიღი: 20/04/2026, ნომერი: 97) რომელიც საქართველოს მოქმედი კანონმდებლობის საფუძველზე ახორციელებს ვალუტის კონვერტაციის მომსახურებას, როგორც ნაღდი ისე უნაღდო ფორმით, პლატფორმის - www.fxhub.ge (შემდგომში: „ვებ-გვერდი“) მეშვეობით.
- 2.2. **კლენტი/მომხმარებელი** - ფიზიკური პირი, ინდივიდუალური მეწარმე, იურიდიული პირი, ან ორგანიზაციული წარმონაქმნი, რომელიც ვებ-გვერდის საშუალებით ახორციელებს ვალუტის გადაცვლის ოპერაციას.
- 2.3. **პერსონალური მონაცემი (შემდგომ - „მონაცემი“)** – ნებისმიერი ინფორმაცია, რომელიც იდენტიფიცირებულ ან იდენტიფიცირებად ფიზიკურ პირს უკავშირდება. ფიზიკური პირი იდენტიფიცირებადია, როდესაც შესაძლებელია მისი იდენტიფიცირება პირდაპირ ან არაპირდაპირ, მათ შორის, სახელით, გვარით, საიდენტიფიკაციო ნომრით, გეოლოკაციის მონაცემებით, ელექტრონული კომუნიკაციის მაიდენტიფიცირებელი მონაცემებით, ფიზიკური, ფიზიოლოგიური, ფსიქიკური, ფსიქოლოგიური, გენეტიკური, ეკონომიკური, კულტურული ან სოციალური მახასიათებლით;
- 2.4. **ბიომეტრიული მონაცემი** – ტექნიკური საშუალებების გამოყენებით დამუშავებული, მონაცემთა სუბიექტის ფიზიკურ, ფიზიოლოგიურ ან ქცევის მახასიათებელთან (როგორიცაა, მაგალითად: სახის გამოსახულება, ხმის მახასიათებელი ან დაქტილოსკოპიური მონაცემები) დაკავშირებული

მონაცემი, რომელიც მისი უნიკალური იდენტიფიცირების ან ვინაობის დადასტურების შესაძლებლობას იძლევა;

- 2.5. **მონაცემთა დამუშავება** – მონაცემთა მიმართ შესრულებული ნებისმიერი მოქმედება, მათ შორის, მათი შეგროვება, მოპოვება, მათზე წვდომა, მათი ფოტოგადაღება, ვიდეომონიტორინგი ან/და აუდიომონიტორინგი, ორგანიზება, დაჯგუფება, ურთიერთდაკავშირება, შენახვა, შეცვლა, აღდგენა, გამოთხოვა, გამოყენება, დაბლოკვა, წაშლა ან განადგურება, აგრეთვე მონაცემთა გამჟღავნება მათი გადაცემით, გასაჯაროებით, გავრცელებით ან სხვაგვარად ხელმისაწვდომად გახდომით;
- 2.6. **მონაცემთა სუბიექტი** – ნებისმიერი ფიზიკური პირი, რომლის შესახებ მონაცემიც მუშავდება;

3. კლიენტის შესახებ შეგროვილი პერსონალური ინფორმაცია

- 3.1. კომპანია ბიზნეს-საქმიანობის წარმოებისას ინფორმაციის შეგროვებას ახდენს ექსკლუზიურად ვალუტის კონვერტაციის მომსახურებასთან დაკავშირებული მიზნებისთვის.
- 3.2. კომპანია საქმიანობის განხორციელებისას მონაცემთა სუბიექტების შესახებ იღებს შემდეგი სახის ინფორმაციას:
 - 3.2.1. საიდენტიფიკაციო მონაცემები - სახელი, გვარი, პირადი ნომერი.
 - 3.2.2. საკონტაქტო ინფორმაცია - ტელეფონის ნომერი, ელექტრონული ფოსტა.
 - 3.2.3. ინფორმაცია საბანკო ანგარიშის ნომრების შესახებ, რომელთა გამოყენებითაც მომხმარებელს სურს, მიიღოს ვალუტის კონვერტაციის მომსახურება და ინფორმაცია ფინანსური ოპერაციების შესახებ, რომელსაც პირი ახორციელებს კომპანიის მომსახურების საშუალებით;
 - 3.2.4. აუდიომონიტორინგის/ცხელი ხაზის საშუალებით მიღებული სატელეფონო საუბრის ამსახველი ჩანაწერი;
 - 3.2.5. ვებ-გვერდზე ან/და აპლიკაციაში განთავსებული ონლაინ ჩათის, შეტყობინებების ველის ან/და სოციალური ქსელის მეშვეობით განხორციელებული მიმოწერა და აღნიშნულის საფუძველზე მოპოვებული მონაცემები.
 - 3.2.6. ტექნოლოგიური მოწყობილობის შესახებ მონაცემები - IP მისამართი, მზა ჩანაწერები (cookies), აპლიკაციის ლოგები, ინფორმაცია ადგილმდებარეობის შესახებ და სხვა.
 - 3.2.7. მონაცემები, რომელთა დამუშავებას გვავალდებულებს კანონმდებლობა - „ფულის გათეთრებისა და ტერორიზმის დაფინანსების აღკვეთის ხელშეწყობის შესახებ“ საქართველოს კანონით გათვალისწინებული ვალდებულებების შესრულების მიზნით დამუშავებული მონაცემები.

4. მონაცემთა დამუშავების საფუძველი და მიზანი

- 4.1. კომპანია მე-3 მუხლში მითითებულ მონაცემებს ამუშავებს იმ შემთხვევაში თუ არსებობს შესაბამისი საფუძველი. კერძოდ, თუ:
 - 4.1.1. მონაცემთა სუბიექტმა განაცხადა თანხმობა მის შესახებ მონაცემთა ერთი ან რამდენიმე კონკრეტული მიზნით დამუშავებაზე;
 - 4.1.2. მონაცემთა დამუშავება აუცილებელია მონაცემთა სუბიექტის განცხადების განსახილველად (მისთვის მომსახურების გასაწევად).
 - 4.1.3. მონაცემთა დამუშავება აუცილებელია მონაცემთა სუბიექტთან დადებული გარიგებით ნაკისრი ვალდებულების შესასრულებლად ან მონაცემთა სუბიექტის მოთხოვნით გარიგების დასადავად;
 - 4.1.4. შესაბამისი მონაცემთა დამუშავება გათვალისწინებულია კანონით, მათ შორის, პასუხისმგებელი პირის მიერ საქართველოს კანონმდებლობით მისთვის დაკისრებული მოვალეობების შესასრულებლად;
- 4.2. კომპანია პერსონალურ ინფორმაციას აგროვებს, მხოლოდ სრულწლოვანი პირებისგან.

- კომპანიას აქვს კლიენტის ინფორმაციის გამოყენების კანონიერი საფუძველი, რაც გულისხმობს ინფორმაციის მიღების ბიზნესთან დაკავშირებული ან/და კომერციული მიზნების არსებობას.
- 4.3. კომპანიის მიერ მონაცემთა შეგროვება ემსახურება შემდეგ მიზნებს:
- 4.3.1. კომპანიის ლეგიტიმურ ბიზნეს ინტერესებს, რომელშიც შედის კომპანიის ბიზნეს ოპერაციების განხორციელება და მონიტორინგი;
- 4.3.2. თაღლითობისა და ფულის გათეთრების წინააღმდეგ ბრძოლის ხელიშეწყობა. კომპანიამ შეიძლება აღმოაჩინოს, რომ კლიენტის ანგარიშის გამოყენება ხდება არაკანონიერი გზით. თუ აღმოჩნდება, რომ არსებობს თაღლითობის რისკი, კლიენტის უსაფრთხოებისთვის, კომპანია იტოვებს უფლებას შეაჩეროს ტრანზაქციები საექვო ანგარიშებს შორის, შეიზღუდოს მათზე წვდომა ან უარი თქვას მომსახურების გაწევაზე.
- 4.3.3. კომპანიამ შეიძლება გამოიყენოს კლიენტის პერსონალური ინფორმაცია ფინანსური დანაშაულის წინააღმდეგ მოქმედების, რეგულატორული მოთხოვნებისთვის შესაბამისობაში ყოფნისა და კანონისმიერი ვალდებულებების შესასრულებლად.
- 4.3.4. კომპანიისთვის რელევანტური კანონებისა და რეგულაციების შესრულება;
- 4.3.5. კომპანიისა და მისი კლიენტების რისკების მართვა;
- 4.3.6. ხელშეკრულებით ნაკისრი უფლებებისა და ვალდებულებების განსახორციელება;
- 4.3.7. კომპანია იყენებს კლიენტის პერსონალურ ინფორმაციას ანალიზის, მარკეტინგული აქტივობების განსახორციელებლად, ასევე კვლევითი პუბლიკაციების მიზნით.
- 4.3.8. კომპანიის სერვისების შეთავაზების/მიწოდების მიზნით;
- 4.3.9. ნებისმიერი სხვა მიზნისთვის, რომლის შესასრულებლადაც კლიენტმა მიაწოდა თავისი პერსონალური ინფორმაცია.
- 4.4. კომპანიისთვის კლიენტის მონაცემების მიღების წყაროებია სატელეფონო კომუნიკაცია, ელექტრონული მომართვა, დისტანციური სერვისებით სარგებლობა, ვებ-გვერდის და მისი ფუნქციონალების გამოყენება, ოფისში ვიზიტი, კლიენტის თანხმობით მიღებული ინფორმაცია საჯარო წყაროებიდან (მაგალითად სახელმწიფო სერვისების განვითარების სააგენტოდან), კომერციული ბანკებიდან/საგადახლო მომსახურების პროვაიდერებიდან.
- 4.5. კომპანიის ვებ-გვერდითა და სხვა დისტანციური პლატფორმებით კომპანია იყენებს Cookies-ს (ე.წ. მზა ჩანაწერებს) რათა უზრუნველყვით მომსახურების ხარისხის გაუმჯობესება და დავიცვათ მომხმარებლების უსაფრთხოება, მათ შორის მათი ვებ-გვერდზე ავტორიზებულ წვდომასთან დაკავშირებით. ამ მიზნებისთვის კომპანია აგროვებს შემდეგი სახის ინფორმაციას:
- IP მისამართი, მოწყობილობის ტიპი, საოპერაციო სისტემა და ბრაუზერი საიდანაც ხდება ვებგვერდზე შემოსვლა;
 - ჩვენს ვებ-გვერდზე გახსნილი გვერდების, სესიის ხანგრძლივობის და სესიის სხვადასხვა პარამეტრის შესახებ;
 - ინფორმაციას იმ ქმედებების შესახებ, რომლებიც კომპანიის ვებ-გვერდზე განხორციელდა, კერძოდ: ფორმების შევსება, ვებგვერდის ინტერაქციული ელემენტების გამოყენება და ა.შ.;
 - ვებ-გვერდზე ველების შევსების პროცესი, დრო და ფორმა;
 - ასევე ვებ-გვერდის სარგებლობის პროცესთან დაკავშირებული სხვა ინფორმაცია.
- 4.6. მოპოვებული ინფორმაცია კომპანიას საშუალებას აძლევს განახორციელოს ვებ-გვერდისა და მისი კომპონენტების ადაპტირება მომხმარებლის საჭიროებების მიხედვით. ასევე, cookies ფაილების გამოყენება ხდება Google Analytics-ის რეპორტების საწარმოებლად და იმის დასადგენად, თუ როგორ ხვდებიან მომხმარებლები კომპანიის ვებგვერდზე.
- 4.7. ვებ-გვერდის გამოყენების დაწყებამდე, კლიენტს აქვს საშუალება, დაეთანხმოს Cookies-ის გამოყენებას და მომხმარებელთა ქცევაზე დაკვირვების შესახებ შეტყობინებას, ამისთვის საჭიროა დააჭიროს „თანხმობის“ ღილაკს. თუ კლიენტი არ დაეთანხმება „Cookie პოლიტიკა“-ს, მაგრამ გააგრძელებს ვებ-გვერდის გამოყენებას, ეს ქმედება ჩაითვლება კლიენტის თანხმობად ზემოთ აღნიშნულ ქმედებაზე. კომპანია არ იყენებს Cookies-ის ფაილებს და მომხმარებლის ქცევაზე დაკვირვების შედეგად მიღებულ ინფორმაციას პერსონალური მონაცემების შეგროვებისთვის. თუ კლიენტს სურს შეზღუდოს ან დაბლოკოს Cookies-ის ფაილები, ამის

გაკეთება შეუძლია ბრაუზერის პარამეტრებში. მნიშვნელოვანია, რომ ზოგიერთი სერვისი, რომელსაც კომპანია გთავაზობთ, შესაძლოა არ იმუშაოს, თუ კლიენტი დაბლოკავს ან წაშლის Cookies-ის ფაილებს.

- 4.8. კომპანიას შეუძლია უარი განაცხადოს კლიენტის მომსახურებაზე, თუ ის უარს აცხადებს მომსახურების გასაწევად აუცილებელი პერსონალური ინფორმაციის გაზიარებაზე.
- 4.9. კომპანიამ შეიძლება გააგზავნოს პერიოდული კვლევითი ანგარიშები/პუბლიკაციები და სხვა მარკეტინგული მასალები კლიენტის თანხმობის მიღების შემთხვევაში. კომპანიის ქმედებები იქნება სამართლიანი და არ იქნება კლიენტის ინტერესების საწინააღმდეგოდ მიმართული. კლიენტს აქვს უფლება ნებისმიერ დროს მოითხოვოს კონტაქტის შეწყვეტა. კომპანია პატივს სცემს კლიენტის სურვილებს და მოთხოვნის მიღებიდან არაუგვიანეს 7 (შვიდი) სამუშაო დღის ვადაში შეაჩერებს კლიენტის ინფორმაციის გამოყენებას მარკეტინგული მიზნებისთვის.
- 4.10. კომპანიისთვის მნიშვნელოვანია კლიენტის უსაფრთხოება და ინტერესები, რის გამოც კლიენტი ნებისმიერ შემთხვევაში მიიღებს შეტყობინებებს კომპანიის მიერ განხორციელებული ცვლილებების შესახებ, რომლებიც ეხება მისთვის შემოთავაზებულ პროდუქტებსა და მომსახურებების პირობებს.
- 4.11. კომპანია იღებს ვალდებულებას, რომ კლიენტის პერსონალური მონაცემები იყოს საიმედოდ დაცული; კლიენტის პერსონალური მონაცემები არ იყოს გამოყენებული არამართლზომიერად; კლიენტის მხრიდან მოთხოვნისთანავე, გონივრულ ვალებში, მიაწოდოს სრული და ამომწურავი ინფორმაცია კომპანიის ხელთ არსებული პერსონალური მონაცემების და მათი დამუშავების შესახებ.
- 4.12. კანონმდებლობით ან ხელშეკრულებით ნაკისრი ვალდებულების შესასრულებლად, შესაბამისი სამართლებრივი საფუძვლის არსებობისას, კლიენტის მონაცემები შესაძლოა გავუზიაროთ: კლიენტის წარმომადგენელს/კანონიერ წარმომადგენელს; გარიგების მონაწილე მხარეებს; კანონმდებლობით განსაზღვრულ ორგანოებს; მომსახურების პროვაიდერებს (მათ შორის: კომპანიის გარე აუდიტორებს, IT სერვისის მომწოდებლებს (მაგ. დრუბლოვანი ინფრასტრუქტურის სერვისები), სხვა ნებისმიერ მსგავსი ფუნქციის მქონე პირებს, კომერციულ ბანკებს/საგადახდო მომსახურების პროვაიდერებს.

5. კლიენტის უფლებები

- 5.1. კანონმდებლობის შესაბამისად, კლიენტს შეუძლია მოითხოვოს კომპანიის მიერ დამუშავებული პერსონალური მონაცემების გასწორება, განახლება, დამატება, დაბლოკვა, წაშლა ან განადგურება თუ ისინი არასრულია, არასწორია, გასაახლებელია ან თუ მათი შეგროვება და დამუშავება განხორციელდა კანონის საწინააღმდეგოდ. ასეთი მოთხოვნის მიღებიდან 10 (ათი) სამუშაო დღის ვადაში (თუ საქართველოს კანონმდებლობით სხვა ვადა არ არის დადგენილი) კომპანია იღებს ვალდებულებას გაასწოროს, განაახლოს, დაამატოს, დაბლოკოს, წაშალოს ან გაანადგუროს კლიენტის მონაცემები ან აცნობოს კლიენტს აღნიშნულის შესახებ უარის თქმის საფუძველი. მონაცემთა დაბლოკვის შესახებ გადაწყვეტილება მიიღება შესაბამისი მოთხოვნის წარდგენიდან 3 (სამი) სამუშაო დღის ვადაში და ძალაშია ჩვენ მიერ მონაცემთა გასწორების, განახლების, დამატების, წაშლისა და განადგურების შესახებ გადაწყვეტილების მიღებამდე.
- 5.2. კომპანია მოქმედებს საქართველოს კანონმდებლობის შესაბამისად, რამაც შესაძლოა ხელი შეუშალოს დაუყოვნებლივ წაშალოს კლიენტის პირადი მონაცემები. ასეთი ვალდებულებები შესაძლოა გამომდინარეობდეს ფულის გათეთრების წინააღმდეგ ბრძოლის, საგადასახადო კანონმდებლობისა და მომხმარებელთა უფლებების დაცვის კანონმდებლობიდან.
- 5.3. კომპანიას პერსონალური მონაცემების გამოყენების უფლება აქვს მხოლოდ იმ შემთხვევაში, როდესაც ამისათვის არსებობს კონკრეტული სახელშეკრულებო ან/და კანონით გათვალისწინებული საფუძვლები.
- 5.4. კლიენტს აქვს უფლება, ნებისმიერ დროს განმარტების გარეშე უარი განაცხადოს მის მიერ მიცემულ თანხმობაზე და მოითხოვოს მონაცემთა დამუშავების შეწყვეტა ან/და დამუშავებულ მონაცემთა განადგურება. აღნიშნულის მოთხოვნის მიღების შემდეგ, კომპანია იღებს ვალდებულებას შეწყვიტოს კლიენტის მონაცემთა დამუშავება ან/და გაანადგუროს

დამუშავებული მონაცემები განცხადების წარდგენიდან 10 (ათი) სამუშაო დღის ვადაში (თუ საქართველოს კანონმდებლობით სხვა რამ არ არის დადგენილი), თუ არ არსებობს მონაცემთა დამუშავების სხვა საფუძველი.

5.5. კლიენტებს უფლება აქვთ მოთხოვნით მიმართონ კომპანიას და მიიღონ კომპანიაში შენახული თავიანთი პერსონალური მონაცემების შესახებ შემდეგი სახის ინფორმაცია:

- რა უფლებებით სარგებლობს კლიენტი;
- რა წარმოადგენს მონაცემთა დამუშავების სამართლებრივ საფუძველს;
- რა გზით განხორციელდა მისი მონაცემების შეგროვება;
- რა სახის მონაცემები მუშავდება მის შესახებ;
- რა მიზანს ემსახურება მონაცემთა დამუშავება;
- რის საფუძველზე ხდება პერსონალური მონაცემების დამუშავება;
- ვის და რის საფუძველზე გადაეცემა მისი მონაცემები;
- რა ვადით ხდება პერსონალური მონაცემების შენახვა;

5.6. წინამდებარე დოკუმენტის 5.5. პუნქტით გათვალისწინებული მონაცემების მოთხოვნისას, კომპანია ვალდებულია დაუყოვნებლივ ან არა უგვიანეს 10 (ათი) სამუშაო დღის ვადაში, მიაწოდოს კლიენტს სრული და ზუსტი ინფორმაცია აღნიშნულ საკითხებთან დაკავშირებით.

6. კომპანიის მხრიდან პერსონალური მონაცემების შენახვა

- 6.1. კომპანიის მიერ კლიენტის პერსონალური მონაცემები ინახება მომსახურების მთელი პერიოდის განმავლობაში, ხოლო მომსახურების დასრულების შემთხვევაში, დასრულებიდან 5 (ხუთი) წლის განმავლობაში.
- 6.2. კომპანიას შეუძლია შეინახოს კლიენტის მონაცემები 5 (ხუთი) წელზე მეტი ვადით, თუ მათი წაშლა არ არის შესაძლებელი სამართლებრივი და ნორმატიული მიზეზების გამო.

7. დასკვნითი დებულებები

- 7.1. ნებისმიერ საკითხზე, რომელიც შეიძლება არ რეგულირდებოდეს, აღნიშნული დოკუმენტით ან სხვაგვარად რეგულირდებოდეს საქართველოს კანონით „პერსონალურ მონაცემთა დაცვის შესახებ“, გადაწყვეტილება მიიღება საქართველოში მოქმედი კანონმდებლობის შესაბამისად.